

影印

文淵閣四庫全書

第一一三〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

北山集	樂府	附筠谿李公家傳
欽溪居士集	筠谿集	

宋程俱撰……………一

宋劉才邵撰……………四〇三

宋李彌遜撰……………五八三

欽定四庫全書

集部

北山集
目錄
卷二

詳校官庶吉士臣瑚圖禮

侍讀臣孫球覆勘

總校官進士臣繆 珙

校對官中書臣范來宗

謄錄監生臣龔 果

欽定四庫全書

集部四

北山集目錄

別集類三 宋

卷一

古詩

卷二

古詩

卷三

古詩

欽定四庫全書

北山集
目錄

卷四

古詩

卷五

古詩

卷六

古詩

卷七

古詩

卷八

古詩

卷九

律詩

卷十

律詩

卷十一

絕句

欽定四庫全書

北山集
目錄

卷十二

賦騷

卷十三

論

卷十四

論

卷十五

雜著

卷十六

雜著

卷十七

雜著

卷十八

碑記

卷十九

碑記

欽定四庫全書

北山集
目錄

卷二十

表

卷二十一

啟書
咨目簡

卷二十二

外制

卷二十三

外制

卷二十四

外制

卷二十五

外制

卷二十六

外制

卷二十七

外制

欽定四庫全書

北山集
目錄

四

卷二十八

內制
進故事

卷二十九

進講

卷三十

墓誌銘

卷三十一

墓誌銘

卷三十二

墓誌銘
墓表

卷三十三

墓誌銘

卷三十四

行狀

卷三十五

狀劄

欽定四庫全書

北山集
目錄

五

卷三十六

狀劄

卷三十七

狀劄

卷三十八

狀劄

卷三十九

狀劄

卷四十

狀劄

臣等謹案北山集四十卷宋程俱撰俱所輯
麟臺故事已從永樂大典中裒集校刊別著
錄史部中是編乃其詩文全集凡詩十一卷
賦及雜文二十九卷俱天性剛直其在掖垣
凡命令下有不安於心者必反覆言之不少
畏避如高宗幸秀州賜對劄子極言賞罰施

欽定四庫全書

北山集
目錄

六

置之當合人心論武功大夫蘇易轉橫行劄
子極言朝廷之當受重官職及徐俯與中人
唱和驟轉諫議大夫俱亦繳還錄黃頗著氣
節今諸劄具在集中其抗論不阿之狀讀之
猶可想見至制誥諸作尤為擅場史稱其典
雅宏奧殆無愧色詩則取途韋柳以闕陶謝
蕭散古澹有忘言自得之趣在南渡初亦可
稱獨闢蹊徑者焉集本流傳頗稀此乃吳之

振得之於季振宜者蓋猶從宋槧抄存故鮮

所闕佚近時屬鶚作宋詩記事載俱古詩二

首律詩二首聯句一首皆稱采自北山集而

其中南園一首檢集本實作章僕射山林與

鶚所引已不相合又遊大滌一首采自洞霄

詩集而集本第三卷內有同餘杭尉江仲嘉

裒道人陳祖德良孫遊洞霄宮一首檢勘即

鶚所引而篇幅較長幾過其半鶚亦不及詳

欽定四庫全書

北山集
目錄

七

檢反欲以補是集之遺殊為疎舛今併附糾

於此云乾隆四十三年六月恭校上

總纂官臣紀昀臣陸錫熊臣孫士毅

總校官臣陸費墀

北山集原序

紹聖末余官丹徒信安程致道為吳江尉有持其文示余者心固愛之願請交未能也政和間余自翰苑罷領宮祠居吳下致道亦以上書論政治事與時異籍不得調寓家於吳始相遇則其學問風節卓然有不獨見於其文者即為移書當路論以言求士孰不幸因此自表見其趣各不同若概論其過一斥不復錄天下士幾何可以是盡棄之乎併上其文數十篇宰相見而驚曰今之韓退之也亟召見政事堂會有間之者復得閒秩然宰相知之未已也宣和初復召入館稍遷為郎議者翕然始恨得之晚自是二十年間卒登侍從為天子掌制命文章擅一時蓋嘗論當孔子時固已患直道為難行而毀譽之不可信然人之有善君子未嘗不樂道其得譽常多至居下流天下之惡必歸焉其毀之者亦衆則直道雖不可盡行於天下而天下終不能廢直道方致道齟齬於初一夫搖之不能自立及其久也雖非其

欽定四庫全書

北山集
原序

欽定四庫全書

北山集
原序

素所厚善亦莫敢不謂然其善之效與今觀其文精確深遠議論皆本仁義而經緯錯綜之際則左丘明班孟堅之用意也至於詩章兼得唐中葉以前名士衆體晚而在朝雖不久遇所建明尤偉蓋其為人剛介自信擇於理者明所行寧失之隘不肯少貶以從物是以善類皆相與推先惟恐失雖有不樂之者亦不敢秋毫加疵病信乎直道之不可終屈也嘗哀次平生所為文欲屬余為序會兵興不果後遇火焚棄殆盡稍復訪集尚得十四五而益以近所著為四十卷夫天既以是假致道矣乃不使盡暴其所長病痺杜門里中且十年豈在人者猶可以力致而天反不能相之歟不可知也紹興十年詔重修哲宗史復起致道領其事力辭疾不拜而後其前欲屬余者請之堅甚致道之文固不待余言而後著也乃先衆人而知之深者莫若余乃為論其本末歸之致道名俱今為左朝請大夫徽猷閣待制提舉亳州明道宮云石林葉夢得撰

欽定四庫全書

北山集卷一

宋 程俱 撰

古詩一

雜興十首

一日復一日百年如此耳那將千百計來日何窮已逝者不可追來者安可知正恐聞道晚勿言功用遲

二

誤點成駁牛妙技有餘賞作意畫蛇足至今猶撫掌君

欽定四庫全書

北山集
卷一

看人間事類此或往往浩歎可奈何悠然起遐想

三

中夜忽自省昔我今是非音聲故如昨齒長鬚滿頤有人夢中言子念無乃癡今猶昔人耳昔人安在茲

四

濯濯簷下溜刁刁樹間鳴蟲號百鳥鬧小大各有聲聲多不留礙響振元無形何殊百千炬光影各自明

五

胡葵向晨照日引一尺長松栽四五年擢幹未出牆溥溥露方晞借此顏色芳各留一寸心試待九月霜

六

春鳩一何拙社燕一何巧天陰逐其婦飲啄聊自了銜泥亦綢繆託此華廈好物生固有分巧拙均一飽

七

穆穆新業結補此茅屋漏問云力田人歲事苦耘耨終年手足胼得此以自覆香秔一過眼糠覈餘滿竇

欽定四庫全書

北山集
卷一

八

昔年過吳江戀戀不能去臨江塵思盡廓若掃翳霧茲為三年留已厭波濤怒乃知常人情趣新方捨故

九

軋軋田邊車卷卷不得休出之一寸痕益以幾尺流扶提暴中野強作田家謳車聲真哭聲天遠將誰尤

十

少小思振奇頗恨身不長身長益多累信與憂俱生回

思二紀間浪使儵忽爭誰能補黥劓反我孩與嬰

秋思

涼氣動秋風林間溽暑散四序遞轉移中夜一長數月
回西南隅澹若霜華亂清甘吸露井起坐待晨盥毋為
事安眠急景不可玩午陰日以薄墜葉黃且枯遶舍足
榆柳鳴條眼中疎芸芸悴方榮髮白不再青所以姑射
子騎龍出蒼冥殘炎如老健雖壯寧復久新涼若涓流
已快執熱手蕭然發朝暮羽扇一芻狗移奪定誰尤論
欽定四庫全書

北山集

三

功亦何有饑蟬得清風向夕聲更急林間鳴絡繹長伴
幽蛩泣青燈對青編秋氣已復然誰謂月有恨正應人
可憐

吳縣游靈巖

春物已如許放舟出橫塘扶橈漾潒漲迨此白日長草
木有佳色欣欣弄浮陽幽禽靜相呼乘和自翻翔春風
不著人浩浩吹我裳終年思煩促於此興未央捨舟得
平地陟彼萬仞崗明霞墮山西夜氣鬱已蒼豈無從我

遊夾道鬚髯張風來得好語落落隨低昂幽堂掃禪榻

靜對燈燭光身輕浴新出境寂慮欲忘虛牕忽舍曉睡

起日照梁羣山發春姿秀碧澹以芳晨光晞薄露草樹

滋幽香徜徉尋昔遊步屨循長廊振衣一長嘯寸目了

八荒上嗟百世基竟坐一笑亡見劉禹錫詩當時館娃地今

作選佛場乃知諸夢境遁化豈有常飄然詠歸歟此適

頃未嘗重來會有興肯使墮渺茫旁人挽余言借問身

閒忙吾方有公事子去無相妨

欽定四庫全書

北山集

四

古風送錢定國顯道

登崖無坦蹊下瀨無平波尋常即千里奈此巖阻何朝
躋青陽硤暮入萬牛渦見之令人老况乃身所過賴有
萬頃陂洗我心煩疴

中林有幽華乃擅一國香終年不自見道路草木長應
知當門病要謝移根傷終恐荷鋤人遡風襲流芳紉之
瓊瑤佩致彼君子堂永捐盈腰艾扈服不可忘

扈恐作戶楚詞

云戶服艾以盈腰

送傅國華墨卿赴保塞簿

閉門坐咄咄出門長太息問之何為爾歲月亦可惜
衣臨大河跬步燕粵隔回車撫長劍玉食慘無色男兒
重性命慷慨輕遠適非關饑所驅豈為五鼎食國華浙
東來觸熱向河北行行四千里易去若持被直怪無懷
土念語軟心似石要令飽辛勤不使鵠安逸顧余一畸
士束髮守編策夜闌相對語耿耿氣橫臆保州幾窮塞
百里望疆場蕭蕭易水寒壯士不復得易水在安肅軍之北安肅保州

欽定四庫全書

北山集

五

隣君家義陽侯子介尺八建雄績時平廓信度胡頸安足

赤深藏百僚底聊作青衫客吾徒會時須要子繼休奕

玄傳

過方子通惟深

白日苦易晚我懷多隱憂憂思劇春浸浩漫不可收出
門欲有適舉步且復休塵中等膠擾念此將焉投駕言
城東北閭閻即巖丘是有幽人厲志凌霜秋寸田荆
棘盡不假斤斧脩門無雜車馬一飯乃見留虛堂芝朮

香下有百尺虬蒼陰匝平地老幹森下樛堂中羅酒漿
耿耿燈燭幽四天黢無光萬籟肅以擘炯然坐相向更
僕語益道我身動乖迂夢寐喬松遊常恐在泥滓永為
天所囚會當從之子濯足萬里流

夜閒壁間蛩鳴有感二首

露草亦已冷寒蛩獨無依入我壁間鳴出處定有時誰
言秋氣高感此動物微我欲以意續一歎三嗟客耿耿
夜將旦殘星月邊稀

欽定四庫全書

北山集

六

寒日苦易短燕鴻暮何之念爾捨沙漠為此萬里飛銜
蘆不厭高繁書端寄誰寒聲夜相呼客子涕已垂聲斷
腸亦斷歸期各何時

夜半聞橫管

秋風夜攪浮雲起幽夢歸來度寒水一聲橫玉靜穿雲
響振疎林葉空委曲終時引斷腸聲中有千秋萬古情
金谷草生無限思樓邊斜月為誰明

讀神仙傳六首

騎龍上天入太清繼世而往在我盈握鈴而呼大司命
主非使者走折脛乃知神仙非智巧積功累行如邠鎬
專懷邪僻祈長年誰言淮南雞犬飛上天

安期生赤玉舄遺之東海濱千年求我蓬萊下祖龍豈
是千年人安期一兩舄蔥嶺一隻履茫茫九州在泥滓
至人去之如脫屣吁嗟祖龍蕭翁寧悟此

鯉魚腹中有隱符白魚腹中有素書鞭靈走石纔一戲

騎麟上天亦徒耳誰能解衣泳水中使人呼指赤鯉公

欽定四庫全書

北山集

七

莫作龍眉山頭客三百年不得作直故應未辦作李公
投身百斛旨酒中鼓琴先生有怒色有愛終當為物役
江都王勿預人事保蟲膏血使誰從汝索

崑崙下有三頃田赤烏玉兔蹲兩邊下有烏靈木灌以
華池泉耕之不用一寸鐵使公家富不可說如坻如京
會有盡萬物皆吾橐中物搏泥作金何屑屑

胥門著蔡經市門著梅福我為松江吏與汝相望亦相
逐高冠長劍衛士從有口底事使蠟封此身況不為陳

尉就公蠟封三尺喙不能擲米作珠為狡獪

古釣臺歌送阮閱休美成公檄浙東

餓夫一往西山空攫金脰篋清晝同東方作矣事何若
玉桺未解裙襦中排肩炙手日卓午暮夜掉臂日送西
飛鴻謂言冰壺不受汙正似馬耳經東風我思一人去
我千載乃在淞水之東富春瀨山嶽嶇兮矗雲漢溪流
喧豗白石亂瀨聲盡處萬尋碧蟠蜿蜒兮守斯人之故
宅旁人指山名釣臺下視九土氛黃埃投竿百牓何足

欽定四庫全書

北山集

八

道直拂三珠挂瑤草彼一人兮皎獨立清風為神冰為
骨佩瓊蕤兮結明月紉蘅蘭以薦枕兮服龍淵之無缺
羊裘蒙茸溪水旁大勝被袞升明堂光武發兵誅不道
氣厭昆陽纔一掃登床撫腹坐太息始信赤符非至寶
君房素癡定不癡致位鼎足何其危阿諛順旨腰領絕
安知直言身見殺我昔客新定挂帆七里灘整冠拜祠
下巖巖千仞層臺巔神遊八海極髣髴聆其語但覺萬
古松風寒滔滔舉世無不可正自喪我非母我嚴灘水

清山翠微貪廉懦立歸來兮奎蹄絮縫不可以久棲

即事戲作四首

老鳥作巢一何拙柳條垂絲今禿缺銜枝復墮苦饒舌
編條作巢枝錯節老鳥柳好汝勿傷藏鳥待得春葉長
安巢令汝著哺母密葉更能庇風雨

齋前數柳樹為老鳥取新條作巢幾盡

黃雀黃雀飛相逐相呼門前啄遺粟啄粟飽即休有人
挾帚掃泥待作粥

數日門外輸苗遺粒狼戾黃雀喧集貧家小兒爭掃去謂之掃泥米

欽定四庫全書

北山集

九

鶴唳固有似云何啄泥取蚯蚓蚯蚓食泉曾不惡鰕鮒

蜿蜒尤不忍何如忍饑向芝田腥涎溷爾不得飛上天

畜一鶴頗食腥穢可厭

鳥啼未必惡麾去恨不早鵲噪兩耳聾主人亦言好安
知一喙鳴喜戚自顛倒朝來羣鵲噪不已童稚無知助
吾喜羣鵲自與鳥爭巢慎勿喜歡真誤爾

齋前羣鵲時噪

謝人惠硯

帝鴻墨海世不見近愛端溪青紫硯溪流見底寒且清

光凝淺紺淵之精斧柯千古遺仙局雲暗半山含紫玉
割雲鏡玉巧如神龍尾銅臺可奴僕君來自南數十里
不載珠璣似惹苾芊芊溪草裏石硯文字之祥直送喜
明牕大几墨花春爐山吐蘭千穗雲虛中含默靜相對
那復草玄驚世人

劉禹錫有端溪石硯人間重贈我應知正草玄之句

穹隆葬事回邑有感

生別萬里餘會面終有期死別不轉眸一朝千古非白
日光在天玄陰閟泉扉盈盈閨中秀土化成枯魑冠笄

欽定四庫全書

北山集

十

共甘苦謂見素髮垂那知死生變不待桑陰移室有病
時菌簋有嫁時衣了了眼中事閒粧靜容儀垂楊手曾
折為我當春稀迅流無迴波落英無還枝空房閒無迹
新墳草離離傷心北門道同來不同歸

遊華藏此君亭

山空木葉脫霜露日已寒蕭蕭歲寒子勁氣不可干下
庇秋草根上棲衆鳥安煙掠梢雲漢過者仰首觀云何
九衢鐫有此五畝寬况當砥洎舍永謝翦伐歎高人名

此君千載莫敢刊豈同渭川封肯汙秦氏官鵲鵲未來

食螟螣或見殘

今年江淮飛蝗至食竹葉一空

終然保常操特立良獨

難我疑卞忠貞鐵石瑣肺肝遺骸寄此地藏碧留餘丹

精誠入毛髮化此千琅玕見之發三歎臨風肅衣冠

獨遊保寧鳳凰臺

饑鴟嚇腐鼠鳴鳥久不聞一登鳳凰臺目送蒼梧雲山

川麗晚日氤氲發餘薰覽此萬里輝振我衣上塵前瞻

翠回環極望天無垠低昂石盤踞佳氣或未湮山坳指

欽定四庫全書

北山集

十一

樓觀青骨今尚神馳煙謝逋客三徑久已榛長松眇如

蒼下有高世人斯人不可作此道日以新回睇白鷺洲

長江瀉沅沅遙岑出澹碧不辨楚與秦

淮西在江左時持秦地也我

行適淮西出處難重陳豈無羈旅歎乃有山水因茲遊

頗幽獨作伴影與身寧辭足力盡聊使眉頭伸憑虛默

自計逝將祈孔賓寄聲華陽老異日期相親

過劉姓園居

甲申

負郭三頃稻並田五畝園人生如此足安用華其軒親

戚居南陌交遊在東村有酒輒共醉傾輸見情言三徑

雜桃李九畦時蘭蓀黃柑百頭奴碧梧萬支孫山供景

無盡石映溪不渾桑麻中饋任布川隣翁論下以活妻

孥上以奉清溫時從亦松子亦訪吳市門嗟我抱此志

十年若朝昏家山眇天末松菊豈復存茲園臨官道坐

笑車馬奔前山復場圃疏築隨坳墩我來適春穠亂眼

紅青紛恍然動鄉思夢寄東飛雲

宿海會寺

欽定四庫全書

北山集

十二

萬杉堆青沒山骨雲埋七峯時出沒飛泉拂石瀉哀湍

下有萬古蛟龍窟藏頭睡熟呼不起地坼三年蝗蝻出

千山脉理漬清甘一罇涓涓流石液同遊况與惠詢輩

許主簿述首座

納屐振衣何勃窣大門當前新築道跨水曲欄

欹突兀春鳴輾轉趁朝炊水明懸流機械發堵節對此

自三歎抱甕老人長搢搢却坐幽堂忽浩歌回首已失

西山日

山谷寺

初梁白虎先生請以為觀志公飛錫先之遂為僧寺今有飛錫泉今靈仙白鹿

所基也常苦無水而山谷獨有餘寺有
太宗真宗仁宗三聖御書歲度僧七人

竺法暨華土止傳骨與書金仙屹不動坐使四海趨山

川第一勝盡為佛者居慈慈瀟之谷蛟驚玄盤紆一為

飛錫先方士回雲車顧盼榛楚地輦簷湧層虛英靈護

泉脈飲此白足徒當年蓋國眾莫挽碧眼奴傳衣到三

葉此地滋焦枯異氣生傑閣宸奎動天樞神龍盡傾向

寶此明月珠三聖陟帝所雲章久寧渝餘霑及婆塞歲

復六七天堂中老沙門古態幾皇胥定知黃龍窟不著

欽定四庫全書

北山集

卷一

點額魚長老嗣黃龍南門開兩山峽萃然七浮圖沙步對石麓

溪流清且徐危覺隱深樾間見碧與朱寺前隔溪山上有亭林間朝

來雨脚斷雲氣尚卷舒懸知磴道滑一水不復逾州家

有造詣上馬及未晡

石牛洞山上有左慈丹井洞有荆公題

陽城山頭遽如許金華山中呼不去癡牛赤脚墮天河

共向空山飽煙霧阿瞞安知眇道士丹井至今存故處

琤淙萬古穿石斷峽東奔流闌山塢鬼戕上鬱千仞勢

洞下坡陀無塊土文公古句驚舊觀拂拭蒼莓增媚嫵

亦欲磨崖放楚狂歸迹正恐山神怒

望九華

船發大雲倉五十里許顧江南諸山迴環掩映嶂復疊中有數峯奇爽特異

一見即知其為九華峯也問篙人果然因知褚季野于廣坐中識孟萬年正應如此作詩

首一

卷簾坐對江南山掠眼送青來疊疊雲泉肺腸久厭飫

挂頰悠然聊復爾奇峯遠澹忽四五爽秀駸駸逼牕几

巒重嶂複饒雲煙望中掩冉凝青紫平生九華盛名下

欽定四庫全書

北山集

卷一

一見定知真是矣非關目力覩天與正覺羣山如聚米

好人好人有高韻不獨江州孟公子直緣佳處無仕逕

落莫道邊同告李大是忘年耐久交藜杖青鞵結終

始

谿行數

潏潏石間流落落灘下石相因成悍嶮日夜更拒激化

為百雷車轉入千丈碧推舟上磊砢盡日不尋尺我行

三伏中正自澁如棘于時久不雨陽炎去劇吹炙谿流

僅如綫但見沙渚赤逶迤呼地港百步涉重磧迨迨神
亭瀨鼻盪無遺力此身誠不貲此日良足惜胡為棄分
陰盡室寄羈阨長謠飛仙章忼慨三歎息

山中對酒 乙酉

秋容澹青山爽秀雨皆足清溪照千仞空翠疑可掬何
年顧兔窟桂子墮山腹老香散深林屑玉綴黃粟朝來
客衣動一葉下空谷客心如勞絲日月共煩促胸中尚
磊塊陶寫賴新淥要當酒千鍾澆我愁萬斛顧有獨醒
人脩然倚枯木

欽定四庫全書

北山集
卷一

五

二月二日富陽城東

閉門三日坐聽雨不知春光已如許桃李弄晴成艷笑
穠李怯風猶半吐當年赤白桃李花恨無佳人絕代歌
無事對花豈易得有酒不飲將如何

一春何許最佳處柳色初勻思殺人風揉雨練不可觸
明綠映空顏色新舊雨來時花未齊今雨一過花團枝
明朝試踏城西路已復可憐枝上稀

桐廬道中書事

一星熠熠初尚微俄頃滿天如灼龜溪流黯黯四山黑
怒芒當空唯太白舉頭仰書天漫漫飛星縱橫絕河漢
新月未高不可見終夜起坐發三歎

題張大丞明園亭

京華真陸海聲利之所闕向來山林士往往去不還濡
足未肯已沒身何足歎張侯翰林客金龜著朝班生平
用一指談笑起廢殘紛紛多廬子名譽莫敢攀五十未

欽定四庫全書

北山集
卷一

六

云老慵然歸故山歸來謝奔走治此五畝園養樹如養
生斤斧不浪干醫花如醫疾察標見其源 花譜有
醫花法 上有

十圍木蒼然午陰寬下有百步荷紅鮮映清瀾爽氣日

多佳西山挂簷端安能九衢內髀肉磨羈鞍我今坐奇

窮進退坎井間違已恨紆轡長饑思抱關當時彭澤令

四壁唯瓢簞折腰未為辱徑去曾無難而我亦何者栖

栖猶強顏

送崔閑歸廬山四首

白露下脩竹當牕作秋聲冷然拂商絃客子中夜驚振
衣一長嘯下瀨如飛星昔者去草堂新松陰軒榮別來
今十年霜華著青青想見溜雨姿森蒼舞蛟鯨歸與當
及健羈栖亦何營

瑯琊山中水韻入三尺桐琅然醉翁搯發自玉澗翁流
泉不成音寫寄十二宮醉翁不可見妙語聊形容嘗聞
三峽泉上與天漢通請君記餘響相彼玉佩風此聲倘
可繼那復有此公

欽定四庫全書

北山集
卷一

七

論世得師友陶公乃其人清遊入夢寐廬山真夙因邇
來二十年浪染衣上塵陶公已去久歛如空中雲廬山
如高士可望不可親坐想虎溪路聞鐘動微顫永懷爐
峯頂飛煙發朝曛羨子歸故隱茲焉畢其身吾意久規
往當從君問津

吾友胡少汲結廬皖公城瀟山有小隱背負紫翠屏前
臨一溪水可以濯我纓欲分青山半留我谷口耕信美
非吾鄉翩然遂宵征聞君草堂處亦復占地靈虛簷倚

蒼崖下有玉澗鳴樂哉不可到因君懷友生

黃魯直有食甘念慈母衣綻懷孟光之句用為
韻作五作以寄旅懷

據梧不必席裹跼不必舄饑來太倉陳飽勝列鼎食願
言伏嵒巖保此稼穡甘正使能已百寧當龍暮三
凋林如白鬢色變不可染招提據木末清凜絕浮念俯
窺羣啄難仰見鳥哺兒歛手不敢嚇無為傷彼慈

吳山視諸山聳秀若諸母上有一段雲使我屢回首澌

欽定四庫全書

北山集
卷一

八

水向浙水涼颿生遠漪中有一雙鯉為傳我所思高堂
有華髮游子行當歸歸歟不可緩霜露沾人衣

焚絲不可經百結不可綻吾今成放浪豈復事編簡羈
游無好懷坐看西日頽壯心正不已亦復何為哉

伯鸞未山棲俯首愧賢孟一朝相告語矯首謝三聘謝
公卧東山故有經綸興夫人勸之仕擁鼻作傖詠終然
為時須起攬晉國柄古人重行藏二士聿有光吾志屬
有在姑安此糟糠